

關 雎

浙音釋字琴譜：（明弘治四年前即 1491 年前）

第一段 王雎善匹

江沱汝漢河洲，赤沙碧草地偏幽。看並立王鳩，雌雄聲應也氣求，關關相友和柔。雙宿食，雙並游，鳩無相狎愛恣優那游。水禽鳥，難爲儔，鳧鷖狀類，德不相伴。擊而那有別，關雎冠於毛傳首，思憶憶，周文王后妃有聖德，宜相好逑。

第二段 大閑周召

大閑那周召，雎鳩也有定偶，那死生同命，詩人託物的那子以起賦比興。周南召南的那諷誦弦歌之聲，相應和鳴。后妃聖德，幽閑貞靜也，有以宜配文王。亦若那雎鳩的那陰陽定偶，關關然相應如賓友。思憶憶也，周文王后妃有聖德，宜相好逑。

第三段 卽物興人

卽鳥聲之和，與女德之和。致貞淑，南北弦歌。美成內治，普德而多，善匹善處而如何，而如何。宗廟之主，綱紀而呵，統理天下萬物而呵，被之箎弦，房中之樂。

第四段 舉德稱行

關雎后妃，德舉全體。貴而勤，葛覃志行在己，樛木螽斯德惠及人，福履綏之矣。合太和，致中和，茂德音呵，關雎流水之河，相與和樂，相與和樂，和樂。於是德化大成，於內相從，汝漢江沱。被之管弦，而爲房中之樂。

第五段 風化天下

女德在貞淑，女行在昭德。慎固幽深，太姒也風化天下，正位於后宮，其儀不忒。關雎風化南而北，民俗歌謠，的那閨門鄉黨而邦國。上天作合非偶然，誦詩三百。

第六段 相與和鳴

關關雎鳩，在何之洲。窈窕淑女，君子好逑。求之不得，寤寐思服。展轉返側，展轉返側。

悠哉悠哉，

第七段 禮正婚媾

禮正婚媾，禮正婚媾，悠哉悠哉，配匹之際，生民之始，萬福之原，萬福原，宜配君子焉。感於性，以發於情，而幸於心。成爲詩，形於聲，響諸音樂，皆得乎和平。婚禮也宜其時，興於桃夭，形於江漢，其爲誰，其爲誰。

第八段 德侔天地

賢其賢，賦性而全乎天。太姒體坤承乾，至靜至健，賢其賢。文王也，后妃也，德侔天地，開分萬化之原。三綱以正，六紀俱全。賢賢，張理上下，整齊人道，你那倫理綿綿。思無邪也，詩冠乎三百篇。

第九段 配享宗周

王政呵，閨門始，身化天下，文王所致。關雎之詩，內繫賢助相維之，內繫賢助相維之。玉葉繼金枝，樂享宗周傳世系，好合那兮，得其那宜也，萬古名垂。